

HABARI KILIMANJARO

'Ukatili wa kijinsia bado tishio nchini'

Na Godfrey Mushi, MOSHI

KANSELA Mkuu wa Ushirikiano na Maendeleo wa Serikali ya Canada kupitia ubalozi wake nchini, Gwen Walmsley, amekutana na wadau kutoka mashirika 39 ya kiraia yamayoijishughulisha na masuala ya haki za binadamu kupokea matokeo ya stadi ya awali ya ukatili wa kijinsia katika mikoa ya Kilimanjaro na Arusha.

Walmsley alikwenda mkoani Kilimanjaro jana kuzindua awamu ya pili ya mradi wa kukuza usawa wa kijinsia kwa kutumia elimu ya haki za binadamu.

Mradi huo wa miaka mitano umekuwa ukitekelezwa nchini tangu mwaka 2019 na Shirika la Tusonge CDO kwa ufadhili wa

Serikali ya Canada kupitia uhushiano wa kimataifa na wabia wa Taasisi ya Equitas.

Katika Mkoa wa Kilimanjaro, mradi huo unatekelezwa kwenye Halmashauri ya Manispaa ya Moshi na Wilaya ya Siha, wakati mkoani Arusha, unatekelezwa Jiji la Arusha na Wilaya ya Meru.

Kansela Walmsley alipewa taarifa na Mkurugenzi Mtendaji wa Shirika la Tusonge, Agnatha Rutazaa, licha ya juhada nyingi zilizofanyika kulinda haki za msingi za binadamu, bado haku na usawa hasa kwa wanawake na wasichana.

"Kwa hali ya sasa, ukatili wa kingono umekithiri kwa wanawake na watoto, wanawake hawaruhusiwi katika kufanya uamuzi wa kipato cha familia

na mara nyingi kinamama wanachwa nyuma katika kufanya uamuzi wa matumizi ya mapato ya familia na wasichana hawapewi fursa ya elimu.

"Kansela Mkuu wa Ushirikiano na Maendeleo katika Ubalizi wa Canada ambao ndiyo wanafadhili mradi huu, amekuja kuuunga mkono na kushirikiana pamoja nasi.

"Lengo kubwa la kufika hapa Moshi ni kufanya uzinduzi wa mradi rasmi na kuangalia kipengele kikubwa cha kurejesha matokeo ya stadi ya awali yaliyofanyika Oktoba mwaka 2019. Stadi hiyo imefanyiwa uchambuzi na matokeo yake yatangazwa Machi mwaka huu," alisema.

Kwa mujibu wa Rutazaa, wa-

dan hao watapata fursa ya kutoa maoni yao kama kuna mawazo au maoni ya mamba ambayo yalionekana yako kwenye jamii, lakini hayakujitokeza wakati wa upimaji na tathmini.

"Tunarejesha matokeo hayo ya stadi ya awali kwa wadau muhimu wa haki za binadamu katika Mkoa wa Kilimanjaro na mradi utatumia mbinu shirikishi katika kukuza usawa wa kijinsia ikijumlisha kujenga uelewa na uwezo, kushirikiana katika kampeni za uhamasishaji, mipango tekelezi ya jamii na majukwaa," alisema.

Lengo la baadaye la mradi huo ni kuwapo kwa ongezeko la uwezo wa wanawake na watoto wa kike katika kukuza usawa wa kijinsia ndani ya jamii.



Mmoja wa wawezeshaji wa mradi wa kukuza usawa kwa kutumia elimu ya haki za binadamu, unatekelezwa na Shirika la Tusonge kwa ufadhili wa taasisi ya kimataifa ya Equitas. Daudi Massawe, akitoa mrejesho kuhusu stadi ya awali ya ukatili wa kijinsia, katika mkutano wa wadau wa mashirika ya kiraia kutoka mikoa ya Kilimanjaro, uliofanyika katika Manispaa ya Moshi, jana. Picha: GODFREY MUSHI

Kigogo CCM asaka tiba mimba kwa wanafunzi

Na Mwandishi Wetu, SIHA

KATIBU wa Jumuiya ya Wazazi ya Chama cha Mapinduzi (CCM), Wilaya ya Siha mkoani Kilimanjaro, Omary Kisesa, ameitisha kikao maalum cha baraza hilo kujadili namna ya kupata mwarobaini wa mimba kwa wanafunzi wa shule za msingi na sekondari wilayani humo.

Jana, wakati akizungumza na wajumbe wa baraza hilo, kigogo huyo alisema jumuiya hiyo ambayo ina jukumu la kusimamia malezi na maadili, ina kila sababu ya kupinga ukatili huo unaoendelea kuvuruga taswira ya kundi hilo katika kupata elimu.

"Wazazi na walezi wanatakiwa kuwa msitari wa mbele kuwalinda watoto wa kike na kuhakikisha hawakatishwi masomo kwa kupewa mimba wakiwa katika umri mdogo, hasa kipindi cha likizo wanapokuwa majumbani," alisema.

Kisesa alisema jumuiya hiyo haipendezwi na takwimu za wanafunzi waliokatishwa masomo kwa miaka miwili mfululizo wilayani humo na kwamba sasa watawafumia watu mbalimbali kulikabili tatizo hilo.

Alibainisha kuwa takwimu za walioacha shule kutokana na ujuzito mwaka 2019 zinaonyesha kwa ni vijana 24 na mwaka huu tayari wanafunzi sita wameshakumbwa na baa hilo.

"Hapa leo tumejadili mambo mbalimbali ya maendeleo, tatkini pia mmeona kuanzia Januari mwaka huu mpaka Machi kumeripotiwa mimba sita, hata mwaka haujaisha.

"Kuna taarifa kwamba wanafunzi hao walipata mimba wakiwa likizo, sasa kama baraza lazima tuweke mikakiti